

[Home](#) / [2025](#) / [November](#) /

UiTM Perak Anjur Persidangan Antarabangsa AiDAS2025 Perkukuh Penyelidikan AI dan Sains Data

KONFERENS & SEMINAR

24/11/2025 / RUSLIZA AHMAD



Bandung, Indonesia, 28 Oktober 2025 –Fakulti Sains Komputer dan Matematik (FSKM), Universiti Teknologi MARA (UiTM) Cawangan Perak Kampus Tapah dengan kerjasama **BINUS University, Indonesia** dan **Universiti Tunku Abdul Rahman (UTAR), Malaysia** telah berjaya menganjurkan **International Conference on Artificial Intelligence and Data Sciences (AiDAS2025)** edisi keenam pada 2–3 September 2025.

Persidangan berprestij ini berlangsung secara hibrid, iaitu bersemuka di **BINUS@Bandung, Kampus Paskal** dan secara atas talian melalui **Google Meet** serta **Facebook Live**. Dengan tema **“From Insights to Impact: Leveraging AI and Data Science for Strategic Decisions”**, AiDAS2025 menjadi platform penting untuk penyelidik, sarjana dan pengamal industri membincangkan peranan kecerdasan buatan (AI) dan sains data dalam memacu keputusan strategik di peringkat global.





Majlis pembukaan diadakan di ruang **The Atrium, BINUS@Bandung** dengan ucapan alu-aluan oleh **Dr. Khairulliza Ahmad Salleh**, Pengerusi AiDAS2025, dan **Dr. Johan Muliadi Kerta**, Pengarah Kampus BINUS@Bandung. Persidangan ini dirasmikan oleh **Profesor Madya Dr. Nur Hisham Ibrahim**, Rektor UiTM Cawangan Perak, melalui rakaman video.

Dua tokoh ucaptama turut menyerikan persidangan: **Dr. Aditya Kurniawan** (BINUS University) dengan tajuk “*Forensic Voice Analysis: Neural Networks Vs. Support Vector Machines for Speaker Identification*” dan **Profesor Madya Dr. Marina Yusoff** (UiTM) dengan tajuk “*Strategic Foresight with AI: Turning Data Complexity into Resilient Decisions*”.

Sepanjang dua hari, persidangan menghimpunkan **107 pembentangan kertas kerja** merangkumi topik seperti AI, pembelajaran mesin, analitik data, keselamatan siber dan pemrosesan bahasa semula jadi. Semua kertas kerja akan diterbitkan dalam **IEEE Xplore** dan diindeks oleh **Scopus**, mengukuhkan kedudukan AiDAS sebagai platform penyelidikan berimpak tinggi.

Penganjuran AiDAS2025 membuktikan komitmen UiTM dalam memperkukuh jaringan penyelidikan global serta memperkasakan bidang AI dan sains data selaras dengan perkembangan teknologi masa kini.

Penyunting: Dr. Khairulliza binti Ahmad Salleh



Tags: [AiDAS2025](#), [UiTM Cawangan Perak Kampus Tapah](#), [Universitas BINUS](#), [Universiti Teknologi MARA \(UiTM\)](#), [Universiti Tunku Abdul Rahman \(UTAR\)](#)

Program CSR UiTM Pulau Pinang
 Perkuh Kesedaran Awam Tentang
Ramalan dan Amaran Banjir

Program Tongkat Putih Perlis 2025
Semarak Sokongan Komuniti
Terhadap OKU Penglihatan

QUICK
LINKS

Ministry of Higher Education
Academic Calendar
Intake Calendar
Graduate Quick Search

HUBUNGI
KAMI

Universiti Teknologi MARA
(UiTM)
40450 Shah Alam, Selangor
Darul Ehsan



Malaysia

Library

UiTM Holdings

WiFi UiTM

E-Complaint

Tel: +603-5544 2051 / 2000